



Son

□ Lanz Gozvuj / 蓝国武

It son raeuz okseiq,
Yaek rox ngeix cij baenz,
Rox boiz bohmeah aen,
Gimngaenz vuenh byawz guh.

Yiengz lwg yaek gwn cij,
Roengz hoq gvih haet gwn,
Nanzvi raeuz bouxvunz,
Deng funghswngz bouxlaux.

Ngeih son raeuz lwgbawx,
Yaek rox sawj goengyah,
Ngoenz guhhong dauqma,
Gaej ndaq de gwnndwi.

Mbouj rox nyiengh bouxlaux,
Cog goj dauq daengz raeuz,
Lumj aen gingq yawj ngauez,
Daengz raeuz geq goj heih.

Bawx rox dingh guh bawx,
Gaej bae daeuz goeng' yah,
Goeng youq goeng goj gvaq,
Yah youq cog goj dai.

Goeng' yah de baenzciuh,
Deihvih beij raeuz sang,
Guh bawx yaek caixhangz,
Vah gaej fanz bouxlaux.

Sam son raeuz goeng' yah,
Gaej luenh ndaq bawx raeuz,
Bawx dwg rog coux daeuj,
Dangq lwg raeuz bae gyaenz.

Mbouj deng menh doxson,
Donq gwn baengh de caux,
Lwgmbwk daeuj goj maeux,
Nanz sei raeuz gvaq ciuh.

Raen miz di bouxlaux,
Gvenq nauh bawx ninz gvaiz,
Caux guh vah bak lai,
Mbouj wnggai yienghneix.

Seiq son beix dem nuengx,
Mbouj ndaej luenh doxceng,
Caemh daxmeh ndeu seng,
Cungj yaek deng doxnyiengh.

Faj fwngz miz hajlwg,
Miz lwg dinj lwg raez,
Beixnuengx miz geijlai,
Bengz cienh ndaej doxbang.

Haj son gvan dem baz,
Yaek doxgyaez gvaq ciuh,
Caih hoj miz cix liux,
Gaej diuz byawz ndi baenz.

Caez roengzrengz guhhong,
Mehmbwn ndomq goj raen,

Caux miz gwn miz daenj,
Doxgyaez van mued ciuh.

Gvanbaz yaek baenz ndei,
Mbouj miz vah doxdaeuz,
Ma doxhaeb cix raeuz,
Ranz doxdaeuz cix liengz.

Roek son baj dem liuz,
Caez gangj riufwfw,
Bajliuz caemh gya youq,
Cix mbouj mbwq nauq ninz.

Gyaranz guhdoi h ganq,
Gyadangq doengzdoi h swngz,
Doengzdoi h lwg rog vunz,
Dinfwngz cungj ityiengh.

Caet son nangz dem gux,
Doengzcaez youq ranz ndeu,
Mbouj miz fok miz beu,
Riu he caez cauxgya.

Aeu de ma guh nangz,
Daengx ranzmabanj caez rox,
Cog ciep ham goengboh,
Wng' oq cix baengh de.

Nuengx guh cog bae haq,
Vut bohmeah raeuz ce,
Aen gya neix baengh de,

Ganq lwgnyez bouxlaux.

Nangz yaek rox guh nangz,
Gaej gangj sam vet seiq,
Haq daeuj doek ranz neix,
Yaek ndeindei guhgya.

Bet son gij lwglan,
Gaej uj sam gauz seiq,
Doegsaw yaek haengheiq,
Fanhseiq gaej famhsaeh.

Youq ranz dingq bouxlaux,
Bae yau dingq lauxsae,
Cog gauj ndaej hwnjbae,
Mbanj ranz gyaenz mbouj liux.

Gyahab fanhsaeh hwngh,
Raeuz itdingh gaej lumz,
Caux miz daenj miz gwn,
Daengx ranz vunz caez angq.

Dohneix cienzgya bauj,
Son' gyauez raeuz vunzlai,
Caih mehmbwk bouxsai,
Cungj wnggai caez nenq.

Vih son lwg son lan,
Van Fwencuengh daeuj ciengq,
Son raeuz gyoengq beixnuengx,
Muengh gya' gya hwnghvuenh.

Loq Cungguk Saedyienh, Guh Yienghyienh Ndae Ndei

□ Veiz Vwnzgauh / 韦文高

Bineix sam nyied sam,
Va rang mbwn engq raeuj,
Raeuz simhai angqcoux,
Haj saek haeux rang diemz.

Bi' gvaq gwnz hawfwen,
Singsing rwenz gvaq gyaiq,
Daj seiq fueng bet baih,
Yiedrairai daeuj comz.

Canghfwen doi h youh doi h,
Doxhoih rim bo ndoi,
Sai mbwk doi q youh doi q,
Raek gim soi j lienhhoz.

Najriu sim va hai,
Mbwk sai eu fwen caeuz,
Yied eu yied haeujngaeh,
Doengq haeuj ndok haeuj ngviz.

Seizdaih moq caez haeuj,
Danq guekgya raeuz ndei,
Vih lwgminz cengheiq,
Ndwenggoenz fouzbeij maez.

Cibbet Dai h gvaqdaej,
Guek raeuz dai h bienqyiengh,
"Gyaciz gvanh" fuengyiengq,
Vih saedyienh loqsiengj.

Cibngeih aen "cangh dauj",
Dwg baujboiq guek raeuz,
Lumj gaethaeux gwn haeux,
Ciengz aeu fwen daeuj danq.

Daeuj lwnh gij gaijgwz,
"Hailangh" loh ndaej gvangq,
"Daegsaek" geiqmaeuz sang,
Bak gangj ok lwgfeiz.

Cibgouj Dai h hoengh hai,
Geijlai guek hozhaenz,
Miz mbangj guek ndangsaenz,
Lumjbaenz ma lau guk.

Beijlumj Meij, Yiz, Yingh,
Ma dai sim mbouj naeuh,
Ciengz fatbag ciengz raeuz,
Siengj daeuj hangz guek raeuz.

Cibgouj Dai h gvaqdaej,
Rox guek raeuz fouqgiengz,
Ndi gamj raeuz bub rieng,
Canggyaj swenj doh giz.

Daj seizneix doxbae,
Bi beij bi engq giengz,
Loq Cungguk saedyienh,
Guh yienghyienh ndaej ndei.

Daengngoenz Baihdoeng Mbouj Rox Doek

—Cimh Riz Bak Bi Cungguk Gungcanjdangi

□ Cingh Swmungz / 清似蒙

Mbangj guek re mbouj maenh,
Mbangj guek gaemh mbouj roengz,
Vunzlai cix doekhoenz,
Ngoenz gouz mbwn baujyouh.

Dangj raeuz in lwgminz,
Causim dingj binghraq,
Baihgwz daengz baihlaj,
Lengqlengq cah ndeindei.

Cungh Nanzsanh yensw,

Gwq guh gwq roengzrengz,
Caux guhfap cingqdeng,
Doihengz coh daengx guek.

Fung singz youh fung roen,
Mbaekmbaek roengz gimqlingh,
Hoh sengmingh beksingq,
Gaemhanh bingh lah vunz.

Ranzranz daengq gvaqdoh,
Bouxbox naeuz rox caez,

Caenhliengh gaej luenh bae,
Re' ndang ndei youqgaenj.

Sevei cuji ndei,
Bouxbox caez hengzdoengh,
Ganbu nem ginzcung,
Cungj dingq dangj anbaiz.

Mbouj hawj biengz dem luenh,
Mbouj guh duengh baihlaeng,
Caez sim guh ndaej baenz,
Binghdoeg laengz ndaej youq.

7. Byawz Cungj Laengz Mbouj Ndae

Youh bungz rumzcin ma,
Seiqleengq ya hoengzoq,
Yamq haeuj seizdaih moq,
Guekcoj engq baenz ndei.

Dangjeunghyangh ciuhneix,
Ceih guek cei q nyinhcaen,
Moeb guk moeb nengznyaen,
Cingqcaen guh oknaj.